

BAB III

MÉTODOLOGI PANALUNGTIKAN

3.1 Sumber Data jeung Lokasi Panalungtikan

3.1.1 Sumber Data Panalungtikan

Sugiyono (2012:308) nétélakeun yén dina ngumpulkeun data bisa ngagunakeun sumber *primer* jeung sumber *sekunder*. Sumber *primer* nya éta sumber data nu langsung dibikeun ka nu ngumpulkeun data atawa panalungtik, sedengkeun sumber *sekunder* nya éta sumber data nu teu langsung dibikeun ka panalungtik, misalna ngaliwatan jalma lian atawa ngaliwatan dokumén.

Sumber data dina ieu panalungtikan téh nya éta Pasantrén Syafi'iyah Al-Falah Désa Mekarjaya Kecamatan Bungbulang Kabupatén Garut.


3.1.2 Lokasi Géografis Tempat Panalungtikan

Pasantrén Syafi'iyah Al-Falah mangrupa salah sahiji pasantrén nu aya di Désa Mekarjaya, Kecamatan Bungbulang, Kabupatén Garut. Ieu pasantrén téh beulah kulon diwatesan ku Désa Wangunjaya, beulah kalér diwatesan ku Désa Tegalega, beulah wétan diwatesan ku Désa Hanjuang, beulah kidul diwatesan ku Désa Cihikeu.

Jumlah santri nu aya di pasantrén Syafi'iyah Al-Falah dina taun 2013 nya éta aya 430 santri, 300 santri lalaki jeung 130 santri awéwé. Jumlah guru ngaji aya 15 urang, lurah santri aya 12 urang.

3.2 Desain Panalungtikan

Desain panalungtikan nye éta bagbagan prosés panalungtikan anu mangrupa studi pustaka, obsérvasi, wawancara, ngumpulkeun data, ngolah data, jeung satuluyna data dijadikeun eusi panalungtikan.

Bagan 3.1

3.3 Méthode Panalungtikan

Méthode mangrupa salah sahiji cara anu digunakeun pikeun ngahontal tujuan dina panalungtikan. Cara nu digunakeun dumasar kana tinimbangan anu nalungtik sabada nyawang tujuan jeung objék anu rék ditalungtik.

Arikunto (2010: 203) nétélekeun méthode panalungtikan nya éta cara anu dipaké ku panalungtik dina ngumpulkeun data panalungtikan.

Méthode anu dipaké dina ieu panalungtikan nya éta méthode déskriptif. Tegesna méthode anu ngagambarkeun jeung ngajéntrékeun kaayaan jeung kajadian anu keur disanghareupan. Ieu méthode digunakeun lantaran data anu ditalungtik leuwih nyoko kana bahan anu bisa dianalisis ku cara déskriptif.

Istilah “déskriptif” asalna tina basa Inggris *to describe* nu hartina ngajéntrékeun atawa ngagambarkeun hiji hal, misalna kaayaan, kondisi, situasi,

peristiwa, jeung kagiatan (Arikunto, 2010:3). Méthode déskriptif ogé miboga tujuan pikeun ngadéskripsikeun, nyieun gambaran sacara sistematis, faktual, sarta akurat ngeunaan fakta-fakta, anu sipat jeung hubunganna nyoko kana kaayaan daérah nu tangtu. Tujuan ngagunakeun méthode déskriptif dina ieu panalungtikan nya éta nyangking data tur méré gambaran ngeunaan wangun jeung eusi tina pupujian anu aya di Pasantrén Syafi'iyah Al-Falah Désa Mekarjaya Kecamatan Bungbulang Kabupatén Garut.

3.4 Wangenan Operasional

Sangkan leuwih jéntré jeung babari dina ngalaksanakeun ieu panalungtikan, diperlukeun katerangan sangkan teu nimbulkeun rupa-rupa tapsiran. Ieu katerangan téh patali jeung judul panalungtikan, diwincik ieu di handap:

1) Pupujian

“Puji, kecap-kecap atawa ucapan pikeun ngagungkeun Nu Maha Kawasa: Sadaya puji kagungan (kanggo) Alloh, Pangéran sakabéh alam, tarjamahan tina *Alhamdulillah robil ‘alamin*; muji, nyebut rupa-rupa kaagungan, kapunjulan atawa kaalusan; muji ka Pangéran, nyebut jenengan-jenengan Alloh nu mulya; Pupujian, 1. Kecap barang kecap-kecap nu sok dipaké muji Alloh atwa Rosululloh; 2. Kecap pagawéan ngedalkeun atawa ngalagukeun puji-pujian ka Alloh atawa ka Rosul-Na”. (*Kamus Umum Basa Sunda*, 2009: 401).

2) Pasantrén Syafi'iyah Al-Falah

Ngaran salah sahiji pasantrén nu aya di Désa Mekarjaya Kecamatan Bungbulang Kabupatén Garut, nu masih ngajarkeun pupujian ka para santrina.

3) Bahan Pangajaran ngaregepkeun

Bahan pangajaran nya éta sajumlahing matéri anu rék ditepikeun ka murid dina prosés diajar-ngajar. Dina hakékatna bahan pangajaran mangrupa eusi tina mata pelajaran atawa bidang studi anu dibikeun ka siswa luyu jeung kurikulum anu dipakéna. Ngaregepkeun (*menyimak*) nya éta kagiatan maham jeung nanggap wacana

lisan ngaliwatan ngadéngékeun lambang-lambang sora ujaran. Ngaregepkeun mangrupa salasihiji kaparigelan berbahasa *reseptif*.

3.5 Instrumén Panalungtikan

Nurutkeun Arikunto (2010:203), instrumen panalungtikan nya éta alat atawa pasilitas nu digunakeun ku panalungtik dina ngumpulkeun data sangakan leuwih gampang jeung hasilna leuwih hadé, hartina leuwih taliti, lengkep, sistematika, jeung leuwih gampang ngolahna.

Instrumen nu dipaké dina ieu panalungtikan nya éta:

- 1) Alat nu dipaké dina panalungtikan nya éta kaméra *digital* jeung *handpone* digunakeun pikeun ngumpulkeun data pupujian nu aya di Pasantrén Syafi'iyah Al-Falah Désa Mekarjaya Kecamatan Bungbulang Kabupatén Garut.
- 2) Pedoman wawancara nu eusina sajumlahing patalékan anu diasongkeun ka narasumber, pertanyaana nya éta:
 - a. Pupujian naon waé nu kapanggih ku Ibu/Bapa?
 - b. Kumaha rumpaka pupujiana?
 - c. Éta pupujian téh dinadomkeuna dimana, iraha jeung dina acara naon?
 - d. Éta pupujian téh fungsina jang naon?

FORMAT WAWANCARA
Ngumpulkeun Data Pupujian di Pasantrén Salafiyah Kecamatan
Pakénjéng Kabupatén Garut

No. Narasumber:

A. Data Narasumber

1. Ngaran :
2. Umur :
3. Jenis Klamin :
4. Pakasaban :
5. Kalungguhan :
6. Padumukan :

B. Data Pupujian

1. Judul Pupujian :
2. Rumpaka Pupujian :
3. Dinadomkeun :
(iraha, di mana, jeung
dina acara naon)
4. Fungsi Pupujian :

Garut, Januari 2013

Nu nalungtik,

Abdurahman Wahid

3.6 Téhnik Ngumpulkeun Data

Téhnik ngumpulkeun data nu dipaké dina ieu panalungtikan nya éta téhnik studi pustaka jeung wawancara. Léngkah-léngkahna nya éta:

- 1) Nangtukeun pasantrén nu rék dijadikeun sumber data
- 2) Ngayakeun wawancara pikeun ngumpulkeun data nu mangrupa pupujian
- 3) Ngaidéntifikasi data nu geus kapanggih

3.7 Téhnik Ngolah Data

Sanggeus data hasil panalungtikan dikumpulkeun, satuluyna ngolah data. Téhnik ngolah data nu dipaké dina ieu panalungtikan nya éta ku cara *purvosive sampling*.

Purvosive Sampling nya éta téhnik nyokot sampel sumber data ku tinimbangan nu tangtu. Tinimbangan nu tangtu ieu, saperti hiji jalma nu dianggap paling nyaho kana naon anu dipiharep, atawa nu dianggap ngawasa matéri anu ditalungtik, anu ngalantarankeun bisa ngalancarkeun panalungtik neuleuman objék/situasi sosial anu keur ditalungtik (Sugiyono, 2012:300).

Sabada ngumpulkeun data, data nu geus dikumpulkeun téh diolah dumasar kana téhnik-téhnik ngolahna anu geus dipedar tiheula.

Léngkah-léngkahna nya éta:

- 1) Transkripsi pupujian
- 2) Ngelompokeun pupujian
- 3) Nyieun papasingan pupujian
- 4) Nganalisis pupujian
- 5) Ngadéskripsikeun pupujian
- 6) Nafsirkeun pupujian